

百一山房詩集卷七目錄

奉

命典試四川出都日作

白溝驛雨

太原懷古

綿上

潼關

華陰道上

邠城驛寄都下友人

陳倉

百一山房詩集七目錄

一

入棧

鎖院雜詩

糊名

給燭

分房

編號

典試事竣入都

從軍

漳河

衛輝道上



隆中

漢口沂流而上江行甚駛

荊州

澧州道中

桃源

過沅陵諸灘石勢險惡計明日可抵瀘溪矣

黔陽

永昌晤趙璞庵同年有詩見投賦答卽次原韻

黃菓樹歌同璞庵作

騰越簡王述庵

百山房詩集七目錄

題升庵先生畫像

青柑同劉竹軒給諫次璞庵韻

江行見水底文石陸離可愛掇拾數十枚亦行帳

中怪石供也

彗星

口號示同人

答同年趙雲松時同在大經畧傅公幕下

鐵壁關

猛卯

虎踞關

由蓋達抵平夏道中

渡夏鳩江

隨大經畧行營由大金江赴新街過蠻岡數里日
暮行廚失道久不至饑甚口占示僕輩

新街

宿衛行

行帳候璞庵病

璞庵次前韻見酬並索再和

璞庵先至騰越復次前韻寄示索和

阿果毅公輓詩

百山房詩集古錄

南征述事呈大經畧傅公

阿南謠

星迴謠

阿禧曲

滇南詠史

冬暖

白沙驛

相見坡

辰溪

湖口夜泊

申包胥廟

營奠

傅文忠公輓詩

七夕

七夕

寄酬蒼林明經

百一山房詩集卷七目錄

百一山房詩集卷七目錄

百一山房詩集卷七

仁和 孫士毅



奉

命典試四川出都日作

五年珥管揔銜

恩鳳閣文章亦漫論
此去白袍如立鵠
自來青峽有啼猿
使車入棧星辰動
花樣當階芍藥翻
慙媿掄才行萬里
摩挲老眼未容昏

清時劍閣不須銘
迢遞星軺入錦城
士氣但能知孟博
用坡公事生涯何用問君平
眼空宛馬騰槽色
心折吳蠶上

百一山房詩集七

一

蒺聲身是孤寒兼晚達
戰場從古客心驚

白溝驛雨

一夜翻車雨兼程
尚據鞍荒碑苔剝字古
淀葉吹瀾白草漸蕭瑟
黃雲自鬱盤鷓絃聞趙女
悽絕和哀湍

太原懷古

參井寒芒照使車
并州總管竟何如
千秋故鬼臺駘廟
三板高城智伯渠
汾水風烟催篋晉祠碑碣剝圖書
自來襟帶誇雄勝
九曲黃流似曳裾

綿上

春秋多姦雄已啟戰國轍
論功或未平謝過乃剿說先

聖定重耳一字貶以譎譎酒則姜氏譎鬼先狐突譎實
智之變善用亦爲哲一見寺人披譎以安反側一封綿
上田譎以伸氣節

潼關

秦城亘萬里雄峙西陲間落日下平楚照見潼谷關此
地古三輔設險何足患其西領馮翊其南控百蠻蒼然
見秋色遠自西華還蕭條望原野邊戍紅霜管管嘉昔
守此甲冑桃林環時平無埃火關吏多疎頑龍門日輸
灌關下轟潺湲回首論戎事明月如弓彎

華陰道上

百二山房詩集七

二

玉女明星尚碧空漢家天闕集靈宮神仙不度函關北
日月多流渭水東六月蓮花開岳頂三峯雲氣滿秦中
鎬池白壁遺書後使者何勞海外通

芙蓉仙掌擘高空三輔黃圖帶礪雄瓊岳西來隋大業
金城北折漢扶風清秋鼉虜浮雲白落日肥蠟似火紅
自是古長安地近河山回首赴臨潼

邠城驛寄都下友人

使節遲秦隴心依侍從班行人斜谷路秋色武功山棧
路將通蜀禽言漸帶蠻相思隨渭水日夜下潼關

陳倉

古道陳倉路陰森度谷遲人來銅馬里天入寶雞祠哀
壑秋啼狄神叢夜叫鷓兵戈憐典午羽檄此紛馳

入棧

驅車鳳翔府努力陳倉道雲棧從天來光景逼西顛深
林怪鳥啼盤磴異獸薨浮埃蕩洮隴晴曦失炎皞險若
鑿空行怖每叩齒禱騾綱怯先騁驂服戒後倒轉坡得
平岡梯空見重椽驚魂得小憩歡聲卽再造

落日大散關橫雲七盤嶺登頓勢旋磨轉輾迹飄梗輿
危引纜上埃隻傳柝警前坡方失足後坡已引領將迴
正鷹盤直下忽驥騁陰火扇祇鳥鬼靨閃濕瘦側想哀

百山房詩集七

三

壑中萬象出頑獷豕突戒操急鹿鋌况荒憬承平要吏
才誰與論寬猛

天險出雄才伊呂相伯仲昨來五丈原徘徊策飛鞋西
南計偏安出師有餘痛却望沔水流哀湍尚心恫裊斜
萬重雲使車日南班秦蜀所經營曹劉此爭鬩弔古哀
劫灰卽次冒野霧去去獨橫鞭尋詩發高吟一笑上青
天天低欲入甕

鎖院雜詩

糊名

暗中摸索覺才多此客其如小異何衣錦夜來仍燦爛

看花霧裡恐模糊點頭尚有旁人在著眼休迷五色過
誰道碧紗能障礙儘容銀海一摩挲

給燭

三條官燭趁風斜矮屋吟聲聽更賒白蠟有灰皆轉劫
金蓮無燄不生花早將燭火卑餘子肯乞微光到別家
莫道相煎何太急傳燈弟子要侯芭

分房

慧業相投似轉胞喧傳萬卷乍騰抄吳蠶僵後初分繭
越燕歸來自定巢故紙相逢萍在水賞音可許漆投膠
紛紛各自傳衣鉢門戶何煩洛蜀淆

百山房詩集七

四

編號

曉日曛曛便唱籌萬人如海信沈浮虎符衛卒羈縻慣
魚鑰衙官管領愁永巷不妨聊著腳矮簷何事亦低頭
卅年占遍東西屋此日醯雞見尚羞

典試事竣入都

使星歸傍泰階符蕙苾明珠一例無青史千秋蜀檣杙
黃圖萬里漢魚鳧看雲棧路耽鄉夢擘翅蓬山憶故吾
差喜孤寒能入彀不勞門第問崔盧

從軍

潢池孰弄兵邊徼頓鼓噪男兒荷戈行詎足副遠到幾

年直樞庭天庾粟徒耗努力事身名所幸年未耄短後
衣衲襦孰如典制誥旁人爲歛歔老妻強慰勞慰勞故
悽其裳衣自顛倒鳴雞見燭跋客心赴左纛刺促風塵
顏西風自捐甌行著祖生鞭去側孟嘉帽平生棄繻心
敢云國士報

軍中有脩期隱然如敵國古來知己言要向燕然勒區
區記室才未可見峻特上公赴戎旃

大經畧
傳公

宿衛奮羽

翼點行被

恩綸卽次奉特

勅虎豹恣騰驪鷹鷄畏誅亟推轂出郊甸威弧指滇棘

百山房詩集七

五

誰能借密籌况已懼曠職去住俱不敢受薦若被劾匣
中有湛盧臨行自拂拭

漳河

去去邯鄲道征程浩淼看鞭絲搖暮雨衫影怯春寒歌
吹臨漳水人才盛建安不如銅雀妓千古發長歎

衛輝道上

急遞衝塵空分馳上黨回車聲流水去驛路亂山來頓
轡憐殘草連牀蕢濁醅無煩諸縣尉日夕候輿僮

隆中

南陽高隱日漢室正紛紜鹿已馳秦塞龍猶卧楚雲畛

畦疑八陣烟水只三分未遂安劉計前星隕定軍
梁甫吟成後蕭然四壁空田園自雞黍天地忽蠶叢扇
影揮秦甸琴絃泣漢宮當時嘉遁志真與鹿門同

漢口泝流而上江行甚駛

羽書絡繹馳星郵烽火夜照天南州官程只祝風便利
長年剪紙燒船頭漢江屹然作重鎮舳舻千里人烟稠
文書火急津吏懼江頭奔走鳧與鷗顛風今日當斷渡
有鞭只向波心投須臾峭帆獨西上長檣鐵鹿偏夷猶
武昌樊口杳何處烟中指點鸚鵡洲大別山下湏水出
奔馳入漢還交流雲山蒼蒼莽吳楚望古遙集心煩憂

百山房詩集七

六

當時沈江此鐵鎖意謂勝算無與侔豈知火攻乃上策
水中蛟兕多焦頭洛陽頃刻見青蓋漢江江水空悠悠
舵樓露坐江月白忽聞篷底來吳謳女郎山邊妾家住
生小十指能箜篌官今奉檄入南徼書生從此將兜鍪
那能坐此樂復樂船頭已見荆門秋

荊州

江流屈折走三巴沔口荆門抱郭斜一代微詞湘水曲
六朝殘劫渚宮花古多遷客今何似我是征夫此憶家
欲向舵樓高處坐章華臺外是天涯

澧州道中

舟行苦濡滯或言灘水劇徒御漫生嗔篙子亦手戟洶
洶欲堪曾斷斷將破額橫裙競赤趺露紒至見脊蓬牕
呼晷聲患乃生肘腋若輩事輯濯其氣本橫逆忿至忽
戈矛歡來又衽席日處波濤中以水爲魂魄激之可過
顙此理自不易篙子忽顧笑官乃有書癖紛然格鬪中
尚復強解釋回頭已澧水笑指岸上石千年兩縣尉僵
立作人腊與其爲憤王無寧侶歡伯沽酒近零陽夕陽
泊山驛

桃源

武陵入南荒林壑極宵妙人煙五溪蠻神叢二妃廟舟

百山房詩集七

七

行過桃源水寒見漁釣窈窕隔重山幽修近邊徼地古
無墉垣衙官寄蘿蔦道書四十二福地開突突無怪柴
桑令文章託歌嘯蓮社今安存慧日疲屢照今我棄繻
來合被雞犬笑

過沅陵諸灘石勢險惡計明日可抵瀘溪矣

竹竿與石爭其勢本不敵所賴出手快稍遲卽已溺我
舩薄於紙彼石堅於壁但聞邪許聲去如鷗鷺擊驚濤
眩客魂辛苦想所歷明月與虎子

皆所過險處

洶洶將碎艫

初猶畏險艱繼乃快迅激人情每如此俄頃改喜感
迴腸如溪路設想多錯舛溪路如迴腸亦復妙於轉前

塗方嶽崎彼岸倏婉變下灘性命輕上灘亦幸免帆開
魚鬚揚柁側燕尾剪欸乃走山脊遠纜不能辨亂石爭
雄奇吞舟故蹙齧紆路甫就深避危又閣淺陽侯故相
惱豈欲激愚偏賢勞方自此滇黔力能勉灘聲日夕號
行矣吾何辯

沅水自苴蘭東來入無口不知牂牁外照見烽火否馬
良出五谿蠻夷繫如狗智士請長纓責效要獲醜蠢爾
騰越外不足掃天帚

天帚見水經澧水注

邁行歷諸灘驚濤作鯨

吼一灘不五里自卯還及酉我行已倥偬兵來更抖擻
連營走江岸鐵騎適邂逅迴櫓泊沙外此輩印如斗

百山房詩集七

八

黔陽

鷓沒天低首重搔那堪從此入哀牢縣門日午雲開路
古驛人歸血洗刀瘴雨最能消魯酒邊風容易裂征袍
參軍真箇參軍事一笑神鷹便解條

永昌晤趙璞庵同年有詩見投賦荅卽次原韻
落日蕭條卷大旗征塵猶記別君時窮荒我未知生樂
慷慨君真是酒悲客鬢風霜驚老大軍書南北賴支持
袁絲久已如兄事交誼還應舉世推

附原作

雲盤壁壘日翻旗中有窮交話雨時投筆從戎君自

壯班荆言復我翻悲容顏已恐勞驚問門戶先聞仗
護持此手曾教書牘背摩崖事重定袁推

黃菓樹歌同璞庵作

我行騰越南其人以毛血爲衣食木石爲天地乃有黃
菓樹真初所未記數十百株合一株骨肉交撐究何意
臃腫負貳尸踔躡夜叉臂蟠根入土肥蠟逃接葉刺天
陽烏避天生此樹亦奚爲豈是有心呈怪異吾疑造物
生五材中土無從試幽閔故來單外召木妖顛倒五行
作游戲駢枝脅榦連尻雕混沌之眉巫尪鼻豈無佳蔭
蔽暘人不少幽棲託老魅此地乃以此樹名譬如禱杙
饕餮作史銘其器君才自足徵博識吾筆那如君口利
連屯潑雨古陰濃樹底侵寒且散騎

騰越簡王述菴

奉

勅多隨細柳屯蠻煙瘴雨亦

天恩九邊斥堠防雍闓六詔風烟望馬援首鼠烏蒙誰
貸死連雞黑水與招魂偕君萬里瀾滄外身手居然挽
畫葶

題升庵先生畫像

披髮投荒二百年當時痛歌九闕前謫居競識蕭夫子

流寓爭呼賈浪仙，椎髻風流無藉在。
弓衣詩句有人傳，如何曳杖疎間貌。
洱海行吟墮瘴烟。

青柑同劉竹軒給諫次璞庵韻

強攜柑酒未成黃，振觸江南夢裡香。
傲外寒漿能破瘴，人間正色要經霜。
剪枝驟訝酸留齒，封蒂纔看蠟滿筐。
可惜昆明天萬里，無由歸遺細君嘗。

東坡詩猶有傳柑遺細君

附原作

幾顆新柑綠未黃，居然入手有微香。
如何一摘當秋雨，不待千林試夜霜。
虛擬夷官充貢篚，劇憐蠻女費提筐。
羈人自抱非時感，忍復金門話共嘗。

百山房詩集七

十

江行見水底文石陸離可愛，掇拾數十枚亦行帳中怪石供也。

曼衍魚龍石作堆，緬江水激浪花迴。
誰知下瀨戈船卒，生受煙雲供養來。

波紋曲屈漾如螺，袖底滇雲不厭多。
他日天南歸陸賈，裝輕藉爾壓征駝。

彗星

當天如裂帛墮地，忽驚霆弧矢方威。
遠櫓槍敢乞靈蠻，人秋望歲驛使晚占星。
聖世無龜策，何勞問窈冥。

口號示同人

軍容茶火盛不戢便成灾瘴癘寒猶盛烏鳶曉便來銘
鐘原有數橫草媿無才腰下防身劍摩挲日幾回
答同年趙雲松時同在大經畧傳公幕下

天南消息未投戈與爾羞稱曳落河孔雀梳翎風幕歷
檳榔遮徑雨曼陀悲歌獨夜飛書急話舊炎方戰骨多
相對郵筒如夢寐五更毳帳又吹螺

鐵壁關

截鐵爲雄關犷怒非一狀鼓角鳴地中旌旆出天上絕
險限蠻夷犬牙勢相抗垂天作陰竇卷地爲巨浪奪隘

百一山房詩集七

十一

氣洶洶入峽響悵悵似與厚地爭尺寸不肯讓移營轉
青天吹笳逼叠嶂戰血赤流泉毒霧濕蒸瘴吾疑天地
初炎方亦草莽禹力所不到山川各奔放習險魂屢驚
喻奇神覺王躑躅幽谷中猶能發高唱夜半宿箐林腥
風虎窺帳

猛卯

月黑見野燒燦然滿山谷如螢照馬面拳毛忽局縮似
於數里外陰森聞鬼哭初疑夷人狡地險或設伏游騎
馳高原極望無所矚亂峰入猛卯山影眩旌纛礪砢勢
東迴獷悍氣一束如蟲緣衣襟由單入其複扃鐻洩不

盡中自釀淫毒適然就夷坦馬頭見朝旭回首所來路
亦復有山綠

虎踞關

曉月似彎弦千峯墮馬前營屯彌勒部關踞皸摩天夜
火篝鳴雨輕兵竈滅煙懸厓危石在便擬勒燕然

由蓋達抵平戛道中

戰苦炎洲錯犬牙出關哀壑自槎枒逢人不改雕題俗
小劫真成放手沙鬼窟山高嘍狔鳥尸陁林黑飽蚌蛇
倭泥貉獵諸蠻部宣慰知應費使車

渡戛鳩江

戛鳩江深沒馬腹馬尾多拖江水綠校長多銜馬尾過
騰身馬背飛如鵠當歸花開紅欲然檳榔兩岸濃陰圓
玉驄無恙渡江去我行騎馬如乘船炎荒水暖鎔蹄鐵
躡水猶嫌四蹄熱中流終恐拳毛驚短筏隨風上飄瞥
過江便聽江聲愁夢魂飛墮天南州請纓擬把樓蘭繫
古有跼鳶我戛鳩

隨大經略行營由大金江赴新街過蠻岡數里
日暮行厨失道久不至饑甚口占示僕輩

墨突無烟墮百蠻亡羊歧路揔間關定知食肉非吾事
飽看滇南盡處山

新街

昨夜飛書走絕險將軍臨江需戰艦野牛壩口萬艨艟
人道軍中有小范帳前運甕得指授波底揮戈亟擒斬
旗幟俄看趙壁空鯨鯢旋作秦坑掩謂阿將軍新街之捷蠻雲凝
血灑洲渚噉火燒空吐光燄朝來移帳就江水倒影雙
旂互飄颻軍諮祭酒我何能蠻府參軍才復忝却從督
戰見舟沈又向行營闕竈滅直因埽窟奪兔狡豈爲馮
河櫻虎闕將軍間道約師期相度論功私自貶已看絕
徽震

天威駭浪迴船如枕簟

百山房詩集七

七

宿衛行

宿衛行宿衛奉

勅來京營少年寶頂影朱纓前年殺虎古北口承

恩賞戴雙花翎帳中說虎虎風黑腰下刀猶虎血蝕滇
池萬里敲銅鼓聞說甸人亦如虎京營火器催前鋒吉
倫勁旅青海東肩有火礮腰有弓翻身上馬馳如風墮
巢毀卵諸蠻部蠻女啼花濕紅雨飛書連夜入明光頭
銜又賜巴圖魯

行帳候璞庵病

戰血如膏汚短檠拂廬連夕話歸程漫言投筆仍書佐

自笑應官直老兵腹疾幾從笮并過

子近多腹疾

頭風誰遣

下牀行京華儕輩無消息那不攤門一笑橫

璞庵次前韻見訓並索再和

生計如弓不受檠又隨弦月赴兼程掀眉自浙矛頭飯
鼓掌休談紙上兵善病其如搔髻短初心原道著鞭行
君聽毳帳三更雨猛虎歌終樂尚橫

璞庵先至騰越復次前韻寄示索和

弓衣詩句繡蠻檠尚欲騰戩門客程絕域刀鏢同出塞
殘年風雪快收兵相逢定作軒眉舞話舊誰真食肉行
鐵研已穿毫已秃低頭重聽大河橫

百山房詩集七

十四

阿果毅公輓詩

身提健卒走籠東漸喜西南楚道通躑躅不花鵲泣雨
鬪體有竅鬼呼風領軍面肯嫌朱異搖艣衣猶認呂蒙
謂新街之戰使東西兩路無阻公之力也何事鳳伽新樂部變聲先已悼膚
功

南征述事呈大經略傅公

百年尉候一西東又遣軍烽過祝融竊據久留吳淠首
蕭條誰問趙佗宮殊方跨象推兵主午夜椎牛祀鬼雄
自是凌烟少顏色天教褒鄂立奇功

西風洱海陣雲高猛育前軍轉戰勞太息賀蘭無契箭

本來光弼有韉刀縱橫野馬塵摧髣擗擊神鷹血洗條
月黑滇南殘劫盡魂歸飛作怒江濤

丞相行營到日南上公旌節耀征驂早憑

廟算通瀘水但奉

天威掃瘴嵐狔鳥遶城啼格磔佛花夾道獻優曇胸中
十萬橫行氣澄睽輿圖似舊諳

詔書敦促掃欃槍銅虎分符下夜郎五將不曾愁失道

兩甄先已會窮荒

阿公與大經畧
期會於新街

覆巢鴉鳥無完卵破

斧狼胡有缺斨

謂收撫猛拱
土司渾覺

畢竟視師能坐鎮爭功渾

濬太侷張

百山房詩集七

十五

繫項先擒劍荔王陰謀何物敢披猖已教絳市誅秦牒
未許弦高託鄭商傳首蠻荒人墮膽塗膏原野鼠拖腸

縱橫掉闔君休矣莫更思登子反牀

謂蜀人蘇
明燦等

聖壽

恩綸到象胥祝釐回首望

宸居誰知罄地呼嵩後正是彌天納土初桃竹檀花輸
欸貢白狼槃木寫降書凱旋知自行

郊勞已見星辰動

帝車

阿南謠

提胡盧祭故夫白楊蕭蕭故夫怒脚踏故夫墳上土妃
呼豨焚故衣故衣與君曾結襦還君故衣君自知君不
知涕漣洏君知之火知之譖語出出催伯姬餒摩世界
驂赤驪漢元封郭世宗天生爾輩何頑兇熱松明火烈
烈中有千年烈婦血阿娜妻火把節

星迴謠

空城雀女苦飢女仲連女伯夷星煌煌迴六詔澄睽愁
蒙雋笑星哲哲慈善智鐵爲劍約夫臂星漸稀開壁衣
松明樓火鷗飛鳩媒來口辟呬夫骸歸空城閉

阿裨曲

百一山房詩集七

十六

善闡臺荒蔓草青梁園遺事話娉婷天潢第一酬功格
嘗膽須尋孔雀屏
摩訶年少領諸蠻纔破紅巾入漢關無奈一行徐淑字
又教樂府唱刀鏢

擁髯淒涼向曉風深宮偶語燭花紅生憐牕外蠻鸚鵡
謠啄平章搗婦翁

吐嚕何如段阿奴悲來東寺亦荒蕪肉屏獨坐思量遍
腸斷春風押不蘆

飛書銜恨點蒼多束髮僧奴竟挽戈尺五阜紗須一往
可知人世有龐娥

滇南詠史

昆明池水劫灰餘，異姓侯王此定居。逐鹿已辜陳涉願，
跼鴛旋費伏波書。河山帶礪慙功狗，歌舞樓臺擁媚豬。
坐向夜郎差自大，老來狂瀆欲何如。

誓書奉使到昆彌，洱海蒼山付保釐。妖讖倉皇銅馬帝，
神叢荒幻碧雞祠。英雄已笑牀頭客，豚犬真羞帳下兒。
贏得苴蘭城外路，風輪劫火弔滇池。

冬暖

蠻方耀離朱，候不別寒暄。卽看葭吹灰，未見犬吠雪。黔
驢無飢嘶，犵鳥無哀咽。間行昆明池，波紋散細纈。暖風

百山房詩集七

七

從東至吹萬，各夷悅。想自祝融來于此，立綿蕝。河伯懼
炎威，不敢下。扃鑄游鱗自圍圍，蒼莢還揭揭。側想燕雲
間，歲月太飄瞥。蹤跡鴻印泥，心期鶴鳴埳。淒涼炊炭虜，
倉皇問著揲。苦憶征夫寒，應知寄衣切。人事洵難料，付
之一笑啞。峩峩冰山消，皸皸地爐熱。敝絮多蟲鑽，茸裘
皆鼠齧。天意憐窮愁，冬心忘兀脆。弱毫不呵凍，單衾未
成鐵。誰爲苦寒行，努力媿前哲。

白沙驛

短驛低迴一破顏，殊方冬暖鳥關關。蠻雲似馬屯空峽，
亂石如羊卧別灣。歸路祇今成漫士，計程從此得生還。

莫言陸賈行裝溼袖有仇池抵百陂

相見坡

絕磴迥青冥綫路盤如絲如絲復宛轉白雲來間之白雲出西峯挂在東峯枝東西兩相望相見還相思

辰溪

掀波自南來洶洶撼郭去地軸撐拄之奔騰不肯住楚南多瘴灘不獨行者懼泐泐眩風雷鷗鷺亦猶豫辰溪枕孤城百雉頗軒翥俯視怯狂瀾如以朽索馭亂石成蜂窠浮波泛花絮搖兀更幾年樓櫓向何處百怪聚族謀厭勝亦有故神經與祕牒足以鎮天步六丁所撝訶蛟螭不敢怒峩峩大酉觀流雲若吞吐我欲從之游溪寒不能渡

湖口夜泊

湖口曾經地歸人自夜郎楓林猿叫月蘆港鴈棲霜久客眠難穩餘生醉易狂襄陽大隄曲判倒酒壚傍

申包胥廟

一慟階前草不春乞師終許丐強秦後來阮籍唐衢輩善哭如君有幾人

營奠

盡室歡顏爲洗埃日南纔見使車回已判馬革歸原幸

一慟牛衣事可哀
入戶蚰蟻綠廢檻
竟牀枕簟委空苔
勞人未定傷心劇
營奠營齋亦費才

傳文忠公輓詩

節相軍威懾九隆
漢庭有詔賜彤弓
契丹使至知司馬
回紇人爭識令公
盡掃旄頭秋振旅
旋騎箕尾夜騰空
淋漓大筆燕然石
慚媿韓碑勒未工

車過真應腹痛回
傷心秋井塌蒼苔
賓朋霧散公超市
劍履烟銷郭隗臺
已負陳琳充記室
况言魏尚是邊才
北邙多少王侯冢
難得孤寒慟哭來

秋夕

百一山房詩集七

十九

燄冷烟空絳蠟消
刀鏢回首轉無聊
秋心又逐餘灰熟
夢墮天南鐵索橋

小劫搏沙感慨增
那堪暮景說飛騰
平生何事非孤負
兒女英雄兩不能

七夕

紅鸞斜倚怯元霜
織室年年對女牀
畢竟癡牛牛背穩
不曾辛苦射天狼
歷歷黃榆送晚寒
充庭兒女小團圓
一彎初月如殘月
隔著明河不忍看

寄酬蒼林明經

滄江赤鯉揚素鬢腹中尺素君所遺上言努力崇明德
下言猿鶴多然疑疑我溷跡久塵土瓦缶不足陪鼎彝
又言浮沈宦海內十年已被犧牛絺文章京樣出鳳閣
能否壇坫隨槃匱開械三復意思厚摩掌紙背還纍欬
平生浪迹君所知夢寐亦化尻輪馳往者湖山一獻賦
乃隨立仗來

丹墀此手豈足知制誥愛我不復相瑕疵俸錢差厚足
自給冀免妻子歌伏雌天南戎馬忽奔突劫灰萬里昆
明池枚臬草檄才不逮肯逐笮馬驅邊陲於時丞相置
幕府下走只合供鞭笞蠻烟瘴嶺墮徼外白日黯澹蚩

百一山房詩集七

三

尤旗天橋一墮已九死罔兩哆口如南箕佛言捨身飼
餓虎道旁櫻肉烏鳶飢那知投荒無死法騰身又復來
昆彌日南荷袂閱年歲山經怪牒窮神奇玉門生入出
萬幸有如丁令歸來時入門相見各惘惘痛定思痛悲
漣洏馮唐爲郎已白首荀令歎逝成清羸一官於我亦
何有坐看萬事如累碁聞君上書不得意歸卧早滌衣
塵緇琵琶跂脚北牕下真人天際知爲誰行將蓬纍入
空谷從君晏坐談孔姬

百一山房詩集卷八目錄

漢臯曲

湘娥怨

鷓鴣辭

湘人折花曲

龍女引

襄陽樂

賈太傅廟

劉郎浦

登武昌城樓

百一山房詩集八目錄

一

秋試放榜後解首劉生維組偕諸生來謁口占示之

鸚鵡洲

吳桓王廟

武昌行館適縣吏呈省志閱之間有所觸繫以斷

句

驟車行

官馬行

自省

獨夜

迴腸

抵貴陽使院作

同年蘇園公需次貴陽相見使院有贈

銅鼓山

循棲霞山麓至來仙洞

辛卯除夕

壬辰元旦次園公辛卯元旦韻

鎮遠道上

鮎魚關口占示園公

江頭坪

百山房詩集八目錄

二

銅仁示幕中諸子

游黔西州東山寺次園公韻

東山寺送園公東歸

貴陽公解自撫藩以下各占山頂獨學使署在平

壤予於署後隙地積土使高爲堂三楹供暇日登

覽堂後逼近東山故以近山顏之

寄王琴德趙損之蜀中時方從溫相國征小金巒

春日邀漫堂中丞崧霞廉訪作蔬筍會

偕崧霞廉訪甌北太守至雪崖洞尋甲秀樓諸勝

甌北見投長篇予亦和作

李漫堂中丞按部石阡勘視城工以途次雜興十
二首寄示卽題其後并寄

哭趙損之農部

訓馮學使應榴蜀中

蒙

恩授大理少卿恭紀

滇中

以勘視至騰越重過大樹園感傅文忠公事

雞足山訪大迦葉尊者華頂道場

寫韻樓

百山房詩集八目錄

三

病中答家春巖學使

以事發軍臺旋蒙

恩授翰林院編修恭紀

蒙

恩擢任東藩

召見乞內用

溫旨諭行恭紀

東藩封篆後乞假馳歸華親負土旣畢感

恩恭紀

歷下

暹羅貢使行

桂林簡趙甌北翼同年

自廣州赴潮途次接查好問學博書

接桐城姚祠部姬傳鼎書并見懷長句奉答

題吳雲青戴月圖

自題焚香燕坐圖

家人以匱乏告作口號示之

巡閱至桂林留別春臺中丞永清

巡閱至桂林留別奇麗川豐額方伯姚佃芝梁廉

使

百山房詩集八目錄

四

桂林晤于健園學使鼎賦此志別并送還朝

哭橫塘胡宸瞻龍友

途次值秋潦驟至肩輿截流而渡

喜袁簡齋至卽以送行

秋夜書感

點送粵兵赴臺四首

接軍營鎮將捷報寄此獎勉

題道古堂集後

賞穿黃馬褂

紫禁城騎馬恭紀

七十自述

蒙

恩賞假演劇宴客恭紀

觀劇口占

青草

攝山

元武湖

長干曲

雨花臺

大功坊

百山房詩集八目錄

石子岡

燕子磯守風

徐州工次勉諸屬吏

蒙

恩以協辦大學士召恭紀

百一山房詩集卷八目錄

百一山房詩集卷八

仁和 孫士毅 補山

漢臯曲

西風吹落葉秋到岳陽樓
鴛鴦嬌楚豔菡萏聆吳謳
永夜蘆中歎繁霜雁背愁
妾心如漢水日夜東南流
盈盈大隄女十五峴山居
仙裙垂絡索綺戶網交疏
相別各千里相思復何如
君如建業水妾是武昌魚
楚萍圓照影漢女綠低鬟
昨日橘洲去今日麋湖還
妾心爲帆船郎心如衡山帆
隨湘水轉面面見郎顏

湘娥怨

百一山房詩集八

一

九疑綿邈蒼梧陰
哀壑竒窈猿孫吟
猿吟孫吟響悽絕
金絲彈出湘娥心
妃盲姪瑩始瀉汭
考擊幕樂鏗瓊琳
黃河不波景星見
南熏披拂絺衣襟
山車垂綏何兀兀
古黃委轡還駸駸
湘潭千年鬱雲氣
卷婁鬢露兼幽深
涼颼蕭蕭泣山鬼
楓林颯颯啼仙禽
幽淙出澗斷復續
彷彿二女調清琴
清琴無言水雲起
蒼蒼仰見芙蓉岑
巴陵迢遞衡山遠
一曲湘娥怨古今

鷓鴣辭

伯勞東去燕西飛
鴻雁紛紛向北棲
只有南人聽不得
一聲懊惱盡情啼

吳下春鶯破曉煙杜鵑紅雨溼冰絃鷓鴣啼過黃陵廟
半似春鷺半杜鵑

洞庭湖畔草萋萋山鷓高飛水鷓低莫道行人行不得
我行曾到夜郎西

苦竹嶺頭相對呼鉤輶聲裡下蒼梧迴腸已作巴陵水
夜聽哀猿曉鷓鴣

湘人折花曲

湘水如烟籠碧紗湘流曲折來三巴湘花能紅湘草碧
多少湘人行折花兒家橘頌亭前是腰下裙拖沅湘水
學得黃陵廟裡妝髻上九疑青不已折花蹋湘波湘
波碧龍女訶江有芷風猗那下里詞陽春訶折花不歸
君謂何

龍女引

洞庭縹緲靈虛殿壁柱珊瑚牀夜開宴荒草千年柳毅祠
諾臯舊事誰曾見身是鮫宮百斛珠靈梭翠鑷繡羅襦
四圍水藻柔毫褥百幅天吳紫鳳圖成行姊妹居瑤室
嬌小相呼行第七

借用薛瑩
龍女傳語

瑤瑟爭彈沙上鴻畫枰戲

賭霜中橘小姑何日嫁彭郎冰下人來便促裝已分此
生成比目誰知公子竟無腸涇陽龍子頻呵譴臭味真
成鮑魚賤自叱羝羊類漢囚偷彈淚竹如湘怨邂逅翻

憐憔悴餘風鬢兩鬢渺愁子只言賸甲殘鱗在鄭重江
頭尺素書長安下第顏如墨岐路相逢淚霑臆同是天
涯淪落人消魂何況驚鴻色一樣楊朱泣路歧匆匆小
立又將離紅綃滴盡鮫人淚恨不相逢未嫁時洞天福
地虛無著幾曾親到蓬山脚幸有靈犀一點通分波竟
抵元珠閣玉札瑤函四座驚叩藤使者一身輕見水經
漆水注
浪傳娶婦來河伯直是沈淵見尾生此時翁媪方愁訴
霹靂飛空赤燦怒金鎖難牽玉柱迴騰身竟擘青天去
疑是人間古押衙錢唐君已到天涯須臾非霧非烟裡
侍女多隨萼綠華訓功明日徵歌舞嬌女婷婷出朱戶

百一山房詩集八

劍氣猶凝鷗鷯膏酒人爭擘麒麟脯落葉紛紛滿洞庭
尊前檀板若為情可憐貴主還宮樂譜入陽關第四聲
歸來百事拚潦倒漸覺蒼然潘鬢老舊夢明明記蔣琛
書空咄咄同殷浩又下溫家玉鏡臺兩行紅燭各低徊
誰知玳瑁雙棲後彷彿魚龍曼衍來人天慧業多如此
却倚紅鸞笑不止不見當時許漢陽柔腸吟斷瀟湘水
瀟湘無際楚江分一夜扁舟酹夕曛從古詞人皆好色
自來神女揔行雲

襄陽樂

襄陽樂賈胡大腹肥如瓠馬牛量谷論迴易妖鬢十五

能當壚襄陽樂寶井游宮古未有章華臺前楚姬笑倒
捲洞庭作春酒襄陽樂長艸來巴西湘花湘草好
顏色全家多唱白銅鞮

賈太傅廟

遭逢文景尚投荒吳芮城頭送夕陽知有文章能吊屈
從來才子例浮湘一生慟哭蒼梧外九死招魂嶽麓傍
讀罷水經尋舊宅井梧何處鹿盧牀

劉郎浦

紅燭雙行照鹿盧寶刀十隊映流蘇劉郎浦口嗚嗚水
流到嶼磯廟外無

百山房詩集八

四

登武昌城樓

鄂渚蒼涼起暮砧漫將使節一登臨絕無記室登樓賦
容得先生倚醉吟樊口寒雲橫雁背漢南衰柳送秋心
定知黃鵠空中笑四十年華雪滿簷

子自緬甸從軍
卽已見二毛矣

秋試放榜後解首劉生

維組

偕諸生來謁口占

示之

掄才曾記到蠶叢奉使西風又渚宮未必鄆州無李矩
可能江夏見黃童升沈大抵如荆玉得失無勞問楚弓
莫道異才公等在幾人投筆歎飛蓬

鸚鵡洲

鸚鵡洲自從正平死芳草不復綠可憐鸚鵡語何似杜
鵑哭只看漢水空今古百鳥多爲鸚鵡舞吳商蜀賈夜
鳴榔想像漁陽怒搥鼓大兒孔文舉小兒楊德祖黃祖
何人乃敢侮君不見曹瞞捉刀時英雄有人指黃祖捉
刀時乃能殺名士

吳桓王廟

武烈中年慟曲阿英雄江表挽凋戈復讎賴有孫郎在
割據其如漢水何楚帳弓刀名士滿吳宮花草美人多
曹劉千載空流水銅狄何人爲手摩

武昌行館適縣吏呈省志閱之間有所觸繫以

百山房詩集八

五

斷句

木柿何爲者編排湖上流不知興廢感只覺渡江愁
期艾曾何害揮船漢水波至今烟雨裡搖艫白衣多
吾亦登高去西風扇客醺強呼風落帽優孟學參軍
鎮將風流甚何嫌老子狂紛紛參佐輩明月共胡牀
赴義洵云難絕裾未爲是生約陶士行死拜徐孺子
三日見楚王猶然口腹誹不見懷刺人謁者多如鬼

驟車行

驟車行何局促縣官簽牌吏夜捉吏下邨里社哭雞鴨
驚飛多上屋驟論頭車論輻五家一驟草十束十家一

車車不足以驟償車還帶犢草多折官錢車多折酒肉
里長城中歸強邀縣吏宿社鼠憑城狐公然擅禍福吏
言追呼嚴長言戶口熟驟肥吏索錢驟瘦官怒朴里長
中間手翻覆一驟派丁夫一車雇村僕丁少還向別家
鬻不知何官長朝暮只馳逐危坐車箱中無言怒以目
爾怒以目我以腹車郎當驟獨漉一官過一路哭

官馬行

官馬行行何遲馬老不足供鞭笞官馬行行何瘦肥馬
多在胥吏廐稽一束豆一升草頭一點如飛鷹歸來髀
肉毼生蠅蜀在槽馬在野長官飛帖驛丞驚明日看花
要快馬

百一山房詩集八

六

自省

湘南來去使星寒自省何曾負此官只恐三條紅燭底
匆匆花向霧中看

獨夜

纔卸征車掃篋紋維摩丈室戒香熏塵昏黠鼠銜書過
風定棲烏別樹聞坐久燭奴方下淚夢來神女定爲雲
中年哀樂尋常事漏盡銅壺又夜分

迴腸

銀鑿窺客綺牕過懊惱誰家子夜歌我意已如枯井水

迴腸其奈鞭韃何
行館無聊鬪酒鎗風鬢霧鬚若爲情不知海水天風曲
可有琴高赤鯉迎

抵貴陽使院作

箐烟蠻雨壓輕裝山驛昏昏水驛荒管下長官知負弩
道旁父老喜褰裳三年舊記跼爲地萬里重經叱馭鄉
聞說絃歌峒俗改此身慙媿段文昌

同年蘇園公需次貴陽相見使院有贈

揖客當關四座驚故人無恙話春明似聞文字牢騷甚
但覺鬚眉嫵媚生春夢婆休談舊恨地行仙自屬先生
天南容得狂司馬壓鬚蠻花笑口迎

百山房詩集八

七

銅鼓山

黔南佳山水風景延晨熹窈窕見山寺曲折通荒埤城
南航幽討碧雲如相期凭高俯城郭引手攀南箕春陰
來黔江忽復遮山移逢逢聆遠聲似雷還然疑或言銅
鼓鳴每在風雨時須臾烟靄合密雨圍如絲一笑謂長
吏此理無難知黔山銅所產銅鼓黔人思聞聲動其魄
長吏神乎辭邊才不厭譎善用乃得之

循棲霞山麓至來仙洞

衙齋坐清曉一片霞飛來霞外無人迹山中生古苔蒼

崖成獨坐石扇幾時開無數干霄樹天教老此才

辛卯除夕

舊來躍馬此彎弧今夕飛騰又酒觚斷送華年如博局
破除殘臘有杯湖客來且闢三三徑子於署後
新葺數椽寒甚能
消九九圖十二年前惆悵在釵頭記颺小於菟

壬辰元旦次園公辛卯元旦韻

又向黔陽慶履端天南鴻爪此盤桓討春漸覺蠻烟暖
待漏曾同畫省寒門外襤衫呼利市時將按
試鎮遠尊前爆竹
報平安如君倔強成間宦慙媿人間獬豸冠

附原作

蘇去疾

百山房詩集八

八

朝正已隔五雲端虎旅千門且尚桓香燼漏殘推枕
起霧消日出面山寒莫猺獻歲祈丞相遼海孤蹤識
幼安料理游春百錢去側身天地老儒冠

鎮遠道上

一路梅花到鐵溪遠城猺女亦扶犁已看擊壤多麻麥
無復驚塵畏鼓鼙瘴雨幾家蒲葉長亂山何處竹雞啼
忽聞林外兜離語花女行歌過水西

鮎魚關口占示園公

鮎魚關路夜漫漫仕宦真如上竹竿我亦郎潛幾白首
頭銜彷彿似都官

江頭坪

平溪驛外踏歌行黃土關前春草生只有江頭坪最好
竹雞啼處是清明

嫩隅蠻語轉妃稀吹徹蘆笙舞畫衣一自嬰童跳月後
江頭犵鳥揔雙飛

銅仁示幕中諸子

銅仁形勢入清秋百丈山高扼上游絕徼南迴諸部落
孤城北折大江流風前細葛頭人織霜後紅蕉種女愁
如此溪山良不惡尊前何苦怨依劉

游黔西州東山寺次園公韻

百山房詩集八

九

人生幾兩履烟翠招我行平林正啼鳥節物方清明衙
齋校士罷失喜文書清言尋東山寺却越黔州城峰迴
寺不見撲面來深青始知幽絕處翠柏張如屏老僧梵
頌畢衣袖垂踈櫺雪眉年七十結契依巾瓶逃禪古有
道遺紱人所傾云何祕密藏無聞亦無聲坐此惜衰老
鬢髮添星星去國忽萬里朋舊嗟合并與子成二老何
時訂耦耕

東山寺送園公東歸

客夢無端刀上環征塵萬里太閒關與君正話于戈裡

為園公話
緬甸事

此客難留去住間覓句遠公應結社逢人阮

瑀孰搜山抽簪畢竟中年好遲我年時叱馭還

附和作

蘇去疾

聞道禪房翠作環勞懷擾擾夢相關清風一榻虛明
裡黛色參天杳靄間江上客尋開士宅水西人說戴
公山諸君再有東林約問柏衰翁下瀨還

貴陽公解自撫藩以下各占山頂獨學使署在
平壤予於署後隙地積土使高爲堂三楹供暇
日登覽堂後逼近東山故以近山顏之

亦有林巒美堂成一放顛吏書爭坐帖俸乞買山錢笋
長新留竹茶甘別引泉科頭撫清散流水是師涓

百山房詩集八

十

那用論頭地三椽膝可容誅茅非宋玉長物有王恭倚
檻招涼月低顏接衆峯不須唾一簣聊爾稱踈慵

寄王琴德趙損之蜀中時方從溫相國征小金

蠻

請纓礪砮又從戎曉月金川挂角弓對飲騶前真跌宕
捉刀牀下自英雄寒生玉壘衣如鐵夢遶金溝漏轉銅
記否題詩磨盾鼻幾年老我首飛蓬

春日邀漫堂中丞崧霞廉訪作蔬笋會

登柝節物稱寒擅鬪酒分曹笑拍肩小圃驚雷縹似玉
塌窠微雨翠如烟此君小異容千畝茲味能嘗已卅年

吾舌尚存須大嚼麪車明日又流涎

嵒霞約排
日小飲

偕崧霞廉訪甌北太守至雪崖洞尋甲秀樓諸

勝甌北見投長篇予亦和作

將尋黔南雲客以雪崖告南天少風雪安得此名號譬
如草野有奇士纔得聞名已傾到只宜兩屐行不稱雙
旌導同心有二三未赴足先蹈已戒亭尉迎不煩縣吏
報墊雨林宗巾吹風孟嘉帽謝公度嶺作山賊田文出
關爲狗盜儘教對仗讀彈文且自拈花粲微笑

甌北有
明朝在

名應傳遍
准備甘蔗
入彈糾之句故云

雪崖何時擅奇妙五丁鑿開混沌

竅林深飄墮梵魚音洞窅吹迴燭龍照應真渡海有遺

百山房詩集八

十一

龕外道燒山賸空竈斜光一綫漏星辰曲磴千尋卓旗
燾已欣筋力到幽險更有心情寄蘿蔦山寒日瘦春氣
遲門外疎楊映垂釣萍開細沫游魚吞烟曳輕絲晚鴉
噪卽看登頓畏攀躋漸覺從容有吟嘯中流傑閣自巋
然鐵柱摩挲足憑弔平苗歲月紀功績應有高文垂絕
徼豈知礪角牧牛多前代文章歸劫燒人生遭際非偶
然我亦餘生乞兵礮不如搖筆記茲游比似銘功孰多
少

李漫堂中丞按部石阡勘視城工以途次雜興
十二首寄示卽題其後并寄

聞道單車醉尉訶蕭然行館可張羅任延過嶺知婚禮
庾亮籌邊自嘯歌月黑萑蒲行劫少春深麥秀感恩多
尚言白首龍鍾甚

中丞有龍鍾筋力
異白首負恩私句

按部爭看此老番

哭趙損之農部

赤展碉樓轉戰深

金酋自
號赤辰

前軍忽見大星沈裹來馬革

千秋事聽到啼鴉五夜心漫道彈冠須貢禹誰憐草檄
失陳琳慰忠祠外招魂處

聞川省建慰忠祠
祀西征殉難諸臣

瘴雨蠻煙

不可尋

訓馮學使

應榴

蜀中

來往天彭井絡中遞將佳句碧紗籠炎天使節東西蜀

百山房詩集八

十三

京樣文章大小馮千里游魚遺濯錦一時威鳳託疎桐
百花潭上新桃李老我黔南想種松

蒙

恩授大理少卿恭紀

徘徊郎署侍明光一夜除書下建章纔見使輶迴李邵
敢將刀筆薄張湯宦貧久已門羅雀

恩重翻疑背負芒

聖德自清廷尉獄平星剛照泰階旁

滇中

西南又度萬重雲洱海蒼茫暮色分兵後彝民勞撫馭

議來鹽鐵怕紛紜，碧雞自昔知才子。
笮馬爭先認使君，爲語道旁諸父老。
舊來蠻府是參軍。

以勘視至騰越，重過大樹園感傅文忠公事。

承相行營地，荒園尚夜郎。
秋風搖細柳，亂石散紅羊。
老我山邱感，相看鬢髮蒼。
征西幕下士，陳迹轉徬徨。

回首賓僚盛，相從亦拍肩。
句爭聯石鼎，

琴德損之有棹大樹園聯句

每泛航船繫馬，今何處攀條。
此泣然一番歌哭裡，聚散信沙搏。

雞足山訪大迦葉尊者華頂道場

昆彌以南天，嵯峨東迴洱。
海西榆河點蒼羅，浮互襟帶

百一山房詩集八

十三

中有雞足遮羲娥，吞雲欲霧峙南詔。
遠勢直欲通牂牁，釋迦弟子大迦葉。
恒河沙劫驅修羅，自從熙連受正法。
幾時遠渡流沙過，梨衣一領金縷碧。
西來大意應云何，梵輪倏忽如投梭。
生恐蛻骨歸尸陀，談空說有開色界。
却借山岳爲槃阿，花首道場眩人世。
莊嚴妙相誰敢訶，棘僮花女盡頂禮。
曼陀花雨鋪青莎，吾聞世尊滅度後。
二十八祖傳非訛，馬鳴龍樹遞祖述。
迦自阿難連優波，中間鳩摩更鶴勒。
始于迦葉終達摩，千年佛法入中夏。
那用白馬尊經馱，道場作俑尊者始。
佛之弟子儒之魔，我來拜佛佛莫笑。
果能度世何論他，蒼巖翠壁儼兜率。

籃輿況足資吟哦茲游萬里亦奇絕詩成肯換書經鵝
寫韻樓

一代才人竄夜郎閨人詩句怨朝陽只憐滄海遺珠集
未得親逢郭武襄

插花傅粉唱歌來醉乞蠻酋寫綠苔斜日不韋城外過
藤花萼葉滿詩臺

永昌有明詩臺亦升庵游憩所

病中答家春巖學使

敢謂賢勞甚何辭觸熱行旬宣愁絕徼瘴癘老餘生小
劫碁難了空花夢易驚禪心飛絮似燕玉若爲情

時勸子買

姬故謝之

百山房詩集八

十四

以事發軍臺旋蒙

恩授翰林院編修恭紀

吏議真教國法伸

恩綸大地轉陽春

九重何幸寬天譴萬死還應赴鬼薪八百胡椒消頃刻

時以不舉李制軍贓私獲罪

三千弱水到逡巡謫仙雅稱頭銜好慙

媿紅綾餅味親

蒙

恩擢任東藩

召見乞內用

温旨諭行恭紀

彤廷麗日五雲開

温語從容立仗迴三輔保釐連郊廓

九重恩命近蓬萊黃流正值宣防後青岱多歸簿領來
自欲乞身

天未許觚棱回首瞭鷹臺

東藩封篆後乞假馳歸葬親負土既畢感

恩恭紀

漢臘分頒大酺嘗乞

恩真許束歸裝焚黃久闕春秋祭負土纔親礮礮場失

百一山房詩集八

十五

喜炎荒留馬革敢勞郡縣號烏傷叨來

異數多逾格報稱其如鬢已霜

子從征緬甸瀕死者數
矣深以先人寃宥為憂

故有第
五句

歷下

歷下西風上鬢絲聖人鄉近好絃詩晚來衙吏隨鴉散
一桁青山入舜祠

杜康泉上躅寒蕪閔子祠前碣有無身在趙吳興畫裡
鵲華秋色大明湖

暹羅貢使行

粵南橫海無邊烽

舜日遠照炎洲紅島夷卉服各向化譬如海若皆朝宗
暹耶羅耶遠綿蕤交趾真臘爲附庸成康王會八百國
蕞爾玉帛何由通前年遣使請

恩命

詔書已與輪舩東魚龍糾縵日五色兜離夷語知呼嵩
聖人五十有三載嘉荳紀歲方無窮外臣幸得隸屬國
心隨越雉思高珣雲騰波擊一千里只瞻斗柄迴針蓬
宓機撞錦金葉表中有奇字如飛鴻金葉表文一書暹字曰臣鄭
華忝封號抃舞

聖德歌龐洪帕使滑里遜通亞

使臣帕史滑里遜通亞排那赤突等

百山房詩集八

十六

方物呈蒿宮其獸馴象更犀角其禽孔雀開屏風龍涎
翠毛夙所產媵以豆蔻蠻烟叢以上皆所貢物

聖仁懷遠無勿屈遐方絕徼胥忭懽任土作貢古有道
藉使葵藿輸其忠海水不波天路濶朝正況易催艤艫
使乎使乎過丹闕鈞天謁帝將母同

桂林簡趙甌北翼同年

盛世何容託隱淪文章公等況如神記來北郭頻攜酒
謂趙君緘齋夢醒東山冷笑人未必歸耕能種秫空教後起

積如薪

鸞旂行慶兼求舊莫被葦鱸賺此身時巡幸江浙聖駕

金筑分襟又十年慕南遺跡渺蒼煙

傅忠勇公駐騰越時與君同在幕下

當時同作參軍語此地猶傳太守賢

君曾任粵西鎮安守

千里興

闌垂索返

上年君需次北至臺兒莊仍返

五更風緊峭帆懸

今春余於五更

過常州君乘舟追送不及祇今更阻毘陵路目極河梁落照前

自廣州赴潮途次接查

好問學博書

離思如煙不可尋發緘真抵發贏金君期烏石峯頭晤

峯在湖濱

我夢黃灣渡口尋難得故交餘盛憲合將今事問

崔琳

頻年得君書述家鄉近事甚悉

平泉風月東橋酒漫道年來不上

心

萬斛龍驤駕海鼉登壇慙佩呂虔刀

時赴潮選調征兵運送軍需赴閩

百山房詩集八

十七

韜才

天遣盤根試暮齒人憐運甓勞昨日乍辭蘇玉局

昨過惠州

嘉祐寺

去年曾訪柳儀曹

容秋閩兵學西

何時與子耕烟水同著

東湖舊布袍

接桐城姚祠部姬傳

彙

書并見懷長句奉答

曾憶星沙共短檠

庚寅同典試楚南

枉教鷗鷺怨寒盟書同稀

有南來鴈詩比橫行北府兵鬼笑劉龍無長物我思衛

虎是真清扁舟何日攜家具良弼橋頭結耦耕

題吳雲青載月圖

瓜皮春暮濤蘆荻響蕭蕭乍喜溪風緩忽驚山月高圖

成得秋意我老夢江臯坐嘯豪猶昔英雄讓捉刀

時雲青在

自題焚香燕坐圖

悟得前身薈葡林每於燕寢自沈吟味同曾點初希瑟
神似昭文不鼓琴豈有宏篇追麗正

張說攜麗正文字
謂友友輒焚香待

可無故事待溫尋

禮記疏溫
尋故事

晝行夜告吾猶歎願就蒲

團証此心

家人以匱乏告作口號示之

漫道支持力竟殫甑塵比我境尤難但教清味常堅守
自覺榆風漸改觀暮夜無金長睡穩高明有鬼寸心寒

百山房詩集八

六

海南百貨充關市祇當鳩媒薑薑看

巡閱至桂林留別春臺中丞

永清

社鼓村雞驛埃紛書來常帶嶺頭雲橫街燈火燕臺迴

都下同
寓橫街

桂管歌謠曾析聞歲儉先教詢市價譚深剛又

感離羣

主恩酬疊吾難報努力籌邊囑卯君

巡閱至桂林留別奇麗川

豐額

方伯姚佃芝

梁

廉使

烟水迢迢夢轂紛相思落月又停雲六條政美三江靜
五術風清一路聞教野哀鴻知蚤集穿墉碩鼠怕成羣

匆匆愧未周民隱一炷心香夜獨焚

桂林晤于健園學使鼎賦此志別并送還朝

蕭然行脚打包便來續元亭載酒緣瓊島懷人稀尺素
春燈聽雨又三年秋迎庾嶺輕軒穩帆轉湘江使節懸
到日定膺

宣室召衰慵煩達

至尊前

哭橫塘胡宸瞻龍友

病起寒窓叫斷鴻悲來怪雨挾盲風貧當糧盡還留鶴

吟到秋深竟化蟲賫志未能圖五岳君又號雙髻道人
欲遍遊名山因貧

百二山房詩集八

九

不融無兒難免悵三同孝章死後書方至此事終須怨孔

途次值秋潦驟至肩輿截流而渡

急雨淋漓晚未收頓教平楚幻滄洲軍聲濁浪喧鵝鴨
鬼火荒江起髑髏也擬挾輶能走險防他涉足便隨流
涼雲莫再添秋潦多少嘉禾在綠疇

喜袁簡齋至卽以送行

翹首雲階未許登今朝把手興飛騰文能壽世輕千劫
力可回瀾此一燈樞地有人誇紫雪慶樹齋尚書向爲
余談紫雲軒勝槩

海山到處引紅藤條冰相對青蠅去陡覺炎埃隔幾層

綺年入洛最知名壯歲遊秦宦蚤成兩卷檀弓寧有例
三生杜牧本多情江山跌宕旁妻好風雨颼馳老筆橫
聞說明珠雙照座慰懷何止一官輕

不遞鄉書不遣媒闖然直為荔支來文章澤國蛟龍避
裙屐仙山蛟蝶陪當日登場誰不識只今此事更交推

自慙海上孫賓石瘴霧憑公一掃開

粵東濱海向多霧
兩公至連日晴霽

渡嶺裝欵一葉風小倉紅影落霜楓人將仙佛疑山賊
天遣亭臺屬寓公心跡仍依徵士傳姓名早隸日華宮
歸逢詔

蔣心餘
太史

壹

趙甌北
觀察

皆吾友為報居官與昔同

附枚方以詩獻中丞而中丞贈詩適至病中

百山房詩集八

三

如數奉答卽以留別

袁枚

正投巴曲到軍門忽聽鈞韶降野濱汲鄭果然能禮
士臯夔原本是詩人筆揮強弩堪穿札氣吐秋雲不
染塵病裏瑤箋當靈藥一回雜誦一精神

舟泊羚羊峽口邊早聞父老說公賢官如子弟人人
見政比秋霜樹樹鮮渡海輕裝常載石焚香諸事不
瞞天嶺南元氣非難復只望旌旗駐十年

公有百一
山房專供

怪石

竭來門外八騶鳴野叟頽唐廢送迎禮錫百朋裁兩
面交雖十日勝三生民間疾苦殷勤問海內文章次

第評我亦臨岐託君子元方有弟望裁成

羅浮擬訪葛仙衣可奈頽禽翅不飛一息尚存山要

看秋光漸老客思歸掃門魏勃從今遠識曲鍾期自

古稀回首五層樓在望謝元暉尚夢依依

秋夜書感

海月生秋氣最高坡公兩耳怕蟲號三年東國踈吟伴

度嶺後久不作詩一夕西風感鬚毛夏統心原同木石王褒用

更薄錢刀金明池上

恩波濶客得依蒲日幾遭余久病未痊擬乞恩留京

點送粵兵赴臺四首

百一山房詩集八

三

于喁環海唱扶犁蠻觸無端據蒺藜

帝遣重臣因命度民知大義竟歸殫臺地義民間林爽文作亂羣起助勦

賊怒我其家口甚多故用耶續歸段匹殫其子又被害事 洪濤百丈騰袍鼓組甲三

千耀水犀忍遣么膺勞

盱食紅旗飛渡浙東西

樓船東去斬長鯨屈指郵籤日幾更渡臺以更記程每六十里為一更

天策佇膺圭旨

錫飲飛爭赴鼓鼙聲平臺記應紅羊劫薄平臺匪例有紀畧宣付史館

唐殷堯藩賀平虜詩記取紅羊換劫年謂是年丁未合平虜寇也今歲于支適同 渡海師傳白

鹿迎海神每日以白鹿迎射磨見酉陽雜俎為道恩循多反覆莫教輕築

受降城

此日軍容步伐齊甕中擾擾笑醯雞赤嵌城名即安平城此指南路

月黑嚴刁斗青闕風高吼鷓鴣斷澗須防雙雉竄西涼錄李

欲將敗有游魂早向七鯤啼一鯤身至七鯤身皆臺地漫言柳往來

應雪笳鼓歸猶綠滿畦

自笑陳琳檄未工也曾磨盾學從戎夢驚猛拱濤頭白

渴飲官屯戰血紅但請一丸封已足已遺三矢盼猶雄

感

思何處酬毫末願得浮江比阿童

接軍營鎮將捷報寄此獎勉

百山房詩集八

三

射聲中壘選翹材此次赴臺協勦皆選熟悉戒行慣經戰陣者三捷軍書插

羽來要遣摧枯同沃雪休教遺燼又燃灰震霆氣蝕蚩

尤霧縈矢風清偃伯臺竚聽

殿頭宣畫手紫雲深處閣重開

題道古堂集後

垂老疎狂七不堪靈光一老在東南生前敗葉空書篋

先生博覽如李善故有書廚之目劫後殘碁冷佛龕歸田後佯狂玩世時時在貢院前僧

盧對罵坐故人多避席上書嚴譴當抽簪竭來嶺外經

行處輸與羊城得遍探

賞穿黃馬褂

紫禁城騎馬恭紀

立仗年年屹玉鋪衝寒曾記

賜元狐五花更

勅飛龍廐一品還披紫鳳圖領袖真慙承密勿衰殘何
計效馳驅據鞍袴褶平生志矍鑠猶能報國無

七十自述

北牕跛脚弄琵琶此樂曾無一日誇門外張羅餘野雀
鬢邊赴壑有修蛇人回絕域

龍顏喜天與衰年馬齒加七十年來巖電過幾回退食
一咨嗟

百一山房詩集八

三

評量舊事且銜杯

異數能叨第幾回釋褐臣方羈簿領謫官

天許到蓬萊已將節鉞慙方鎮漫擬文章列上台寄語
玉堂諸老輩公門桃李

帝親栽

遂初初志已難論識字耕田石鼓村白髮耆英諸老在
清流里社幾人存磨牛步步皆陳迹巢燕翩翩有舊痕
料得臯亭黃鶴畔儘他猿鶴笑朝昏

恩重應難老澗阿匆匆小劫付修羅一軍風鶴倉皇後
八部天龍懺悔多自欲引年攜玉杖敢煩滕爵泛金波

故鄉烟水知無恙何日懸車卧薜蘿

蒙

恩賞假演劇宴客恭紀

羅雀門庭列几筵朝來奉

勅宴平泉部頭競獻魚龍戲

天子能知犬馬年溫語乍傳三殿

詔稱觥爭謝十洲仙一時賓客皆

君賜太史知應奏聚賢

觀劇口占

潦倒新豐濁酒杯浚儀逐客辱塵埃坐中亦有中書令

百山房詩集八

五

曾為常何作奏來

鄙鳩然臍照路塵中郎一哭動青旻笑佗後世鋤姦疏

多少冰山錄裡人

旗亭楊柳尚依依三疊歌成草不肥從古文人能補過

傷心豈獨一崔薇

哀絲豪竹列瓊瑜吉語分明慰老夫只看滿牀遺笏在

人間還有魏暮無

青草

一痕草色上庭隅報道東風一夜蘇不信東風吹得綠

何曾吹綠白髭鬚

攝山

上元行部暇迴鑣入扈村言尋樓霞勝綫路通雲根微
風振魚唄幽絕悽魂魄四山圍栲栳一徑驅雞豚烟深
不見寺路轉方知門佳辰發清嘯逸思隨風鴛鴦亭結
石麗靄靄陰霞屯憑高凌梵閣木杪能攀援孤帆落天
外江勢東南奔江奔崖欲住孤寺疑被吞至今蒼壁上
尚有魚龍痕扈謙所居宅藥草留祇園攝生究何術衰
老思討論

元武湖

英雄非漢武池亦號昆明南渡悲銅馬西風泣石鯨菰

百山房詩集八

三五

茅霜後死萍葉雨中生六代滄桑夢荒波照冶城

長干曲

妾住長干里郎住石頭城秦淮通一水夜夜有潮生
不願作鴛鴦願作烏衣燕江南王謝郎歲歲來相見
郎住秦淮水春風欲斷魂妾家長干里只近聚寶門

雨花臺

花雨彌天此地傳雲光講席故依然老莊告退方言佛
詞賦無靈始託禪梵閣至今栖怖鴿臺城何處覓飛鳶
英雄末路多如此兩字荷荷了百年

大功坊

燕泥綽楔漫荒街異姓侯王邁等儕六代江山開建業
一家興廢視清淮論婚已擬金張盛好武羞將絳灌偕
當日胡藍諸詔獄大功坊自掃雲霾

石子岡

謝公祠宇散雞豚石子岡前遺迹存兒輩一時知賭墅
有人後世尚爭墩清流典午遺風在大道瑯邪故里昏
我亦中年哀樂甚殘絲零竹忍重論

燕子磯守風

江豚吹浪爭危磯礮車雲起連檣飛秣陵秋色入烟霧
回頭城郭猶依稀蘄巖頑石截江介羣鱗得勢窺林扉
就中飢蛟食肉相老夫不足供甘肥迴船幸得纜山脊
半空腥沫猶霏霏梳妝樓空燕子去諾臯遺事焉知非
荒唐雲雨託夢幻樂府尚賦華山畿須臾風定拋碇去
多少魚龍下翠微

徐州工次勉諸屬吏

芒碭寒雲捲白波宣防使者夜相過水衡無算謀通漕
樂府低迴喚渡河竹箭流深知勢漫鯉魚風緊覺沙多
君看南豫酬功

勅玉牘金繩劔佩訶

乾隆四十五年封總河
朱之變爲助順永寧侯

恩以協辦大學士召恭紀

已慙節鉞駐江干夙夜無由慰素餐自信顏衰求退易
翻因

恩重乞身難久參樞密寧無忝得領銓衡更未安惟有
葵心似莫莢紀來

聖壽萬年看

百一山房詩集卷八

百一山房詩集八

三七

百一山房詩集卷九目錄

奉

命總督四川簡鄂大司馬前藏

奉

命赴蜀和周肖濂見贈原韻

道中雜述六首

宿村舍

新都疾作

入川途次遇岱都統自新疆歸

奉

百一山房詩集九目錄

命駐打箭鑪籌辦徵調事宜

萬里橋是武侯送鄧芝使吳處

臨邛懷古

文君井

大渡

萬工坡是明藍玉征雲南所開道

夜渡平羌江

七縱河

二十四盤

清溪道中遇風

聞巴圖魯侍衛由青海入藏

檄諸土司屯番赴藏協勦

得鄂大司馬軍營書却寄

飛越嶺大霧

鐵索橋

頭道水道中瀑布甚奇

楊柳鋪作塞外柳枝詞

武侯祠

銅鼓

銅弩

百山房詩集九目錄

郭將軍廟

除夕送惠瑤圍制軍赴藏參贊軍務

聞奎將軍林奉

命赴藏參贊軍務詩以迎之

湯泉

魚通出口遇雨宿折多

過破碉行亂石中

自提茹至阿釀壩道中書所見

過東俄洛已六月矣積雪彌望是日遇雷雨

僕人以道險難行私有怨詞口號示之

道旁野燒沿及數里古松萬樹皆摧為薪感賦
途次盼軍營捷音

自東俄洛至臥龍石得詩八首

河口阻水

積雨連旬山水驟發自河口至麻蓋沖決幾不得
路賦此紀事

雅龍江浮橋

駐裏塘

二郎灣道中度雪嶺數層

松林口

百山房詩集九目錄

三

大雪山

巴塘

百一山房詩集卷九目錄

百一山房詩集卷九

仁和 孫士毅 補山

奉

命總督四川簡鄂大司馬前藏

武擔山色擁雙流又見三刀夢益州昨日牙璋馳笮馬
有人銅鼓問旄牛感

恩自唱軍中樂垂老能為劍外游去去籌邊樓下過烽
臺無焰雨呼鳩

退直菟裘計未成機廷推轂促遄征暮年敢諱三遺矢
節度誰懸九道兵風雨不埋諸葛鼓華夷終限灌嬰城

百一山房詩集九

一

西羌萬里河源外慙媿尚書自請行

小隊材官盡寶刀受降猶未却征袍帳中湯沐金城險
馬首山河玉壘高暮冷陣雲無雁過弓彎邊月失孤嗥
天涯各自馳驅易未得新題九日糕

出關旌旆拂虹霓何處天南又鼓鼙未許吐蕃屯隴右
敢言裴度到淮西千峯行色秦雲重萬竈炊煙蜀棧低
公是臨邊王相國勸農歸及看春犂

奉

命赴蜀和周肖濂見贈原韻

質成虞芮未歸田疆吏籌邊案尚懸

天語乍從行殿下臣心已到役車前龍沙鞭影行梯度
鳥道鈴聲雪嶺傳寄語全家休望遠好藏春酒待開筵

諭旨令於川督述職後卽交卸回京

官轍居然歷九州巢痕兩度錦官留遠攜淞水垂綸客
謂肖濂重訪蘧廬老圃秋幕府高才推杜甫碑陰隱語問

楊修一官仍作依人計聞說犂牛徼外遊

姚一如司馬時隨鄂制軍

赴藏

翹首停雲燕羽差勸君勿藥尚嫌遲兩人境遇榮枯共
卅載交情痛癢知省晉休同疊恥後沈憂要想病絲時
偕行有客常相憶與訂夔州以後詩

時肖濂出示白華少空蜀中吟稿

百一山房詩集九

二

投筆君真定遠班離亭爭禁淚痕斑

肖濂納姬之次日卽偕子行

一

宵佳約留金枕萬里羈愁怨玉顏笑我更番行折坂累
人辛苦話刀鐮輸他城北人僥倖竟日調螺畫遠山

徐郇

南侍御亦於前數日納姬

道中雜述六首

待臯入中樞餘年皆

帝賚生慚矍翁齒暮敢言退劍閣亘青天蠻雲垂露
蠲蚓竅紆鉤梯蟻行互負戴羽書正驛騷減裝策小隊
老馬能識途飛行猶歷塊摇摇旌懸心切切芒在背井
絡鬱蒼茫天彭光破碎子儀何如才乃以光弼代

涼秋八九月商飈起白榆首塗行萬里班馬何踟躕秉
鉞豈不貴覆餗乃爲虞方今

天子聖不忍輕誅氏羌隸益部醉舞紅罽毼一朝背
恩德敢作虎負嵎往者趙克國屯田成膏腴西南置都
護論功封狼胥凶門一推轂螳臂良區區

秦棧高倚天蜀棧更天外巉巖上西南地肺互鉤帶繁
霜凜輿儻紅樹蕩旌旆陟深狐綏綏穿雲鳥翺翺夷險
無定形安心卽著蔡縣吏具供帳卻立望飛蓋強項今
豈無祇候恐亦太一笑謝之去晚飯谿風大

張騫妄人耳鑿空來西極不如棄繻生上馬能殺賊虞

百山房詩集九

三

廷尚典謨次亦策羣力霜翮厲秋風狐兔盡誅殛稼穡
豈不甘所賴去螟螣蠻鄉費招徠崖谷竄鬼域瘴毒所
淫蒸其氣召姦慝軍門古節度小心矢嚴翼遐哉韋城
武勇略震巴楚訶陵羌女輩繫頸色如墨精卒三千人
百戰無不克贊普爲結纓籠官來侍側當其死方鎮蕃
漢盡綠墨俯仰身世間何以稱迷職

蒼鷹一搏擊毛血填平蕪酷吏一深文黔首供刑驅張
湯起刀筆煨獄如洪爐何以酷吏傳不與禹等俱班史
固有體無乃因公孤就中十一人半雜廉與汚公勇又
敢諫卓哉一郵都雁門卻邊寇豈獨治若盧古今一異

致貪有酷則無成憲本忠厚邊徼尤所需武健而東濕
簡約而破觚兩者慎所擇毋使疲追呼因之告郡縣執
訊當非誣

古賢與婦人類不諱貨殖結駟聘諸侯築臺炫強國窮
冬得蓋藏萬物乃休息岷山有跋鴟至老無飢色沃野
幾千里魚鹽富蠶織轉粟輸倉庾丁男不役力休養貴
循良民侈使之晉方茲戎馬間得毋廢田恤努力籌儲
胥坐看妖燄熄

宿村舍

茆屋隔林密數家成一村歸鴉聚楓葉饑馬嚙榆根新
月忽掛壁踈星還照門夜深愁不寐絕域計營屯

百山房詩集九

四

新都疾作

帝命征不廷么膺笑豕突糗糧與芻蕘一一待籌筆
宵衣頻問旦臣敢顧家室一從出國門晝夜不遑郵兼
旬五千里馬上送日月咫尺芙蓉城郵程待明發豈知
積勞久伏枕氣忽逆眩或似輪轉痛幾同指鬣埃吏止
我行暫卧更煩鬱計日當西征殄此邠蠱萬里夢魂
勞重關易飛越醫言血氣衰恐致腹心疾導我服藥餌
勸我避風日欲速昔有戒引古義相律聞之殊不欣任
重敢圖逸據鞍彼何人暮年氣鬱勃一笑謝埃吏明當

帶星出

入川途次遇岱都統自新疆歸

餓鴟噉空夜猿泣棧路盤靈曠騎入十年不見飛將軍
將軍橫刀馬前揖相逢執手各勞苦將軍還朝我行部
姓名舊隸羽林郎亭障初開都護府水寒石瘦風吹衣
輪蹠獨漉徒御車爲言節鎮要養重輕裝減從如公稀
我聞此語三太息起家寒畯歸綸扉采薇治外古有訓
雞廉尚恐來叢譏藏江之西接青海萬里橫行有君在
伏羌校尉豈其人坐使九夷貢方賄獨不見漢家多少
追風驥李廣能將三百騎又不見裴行儉作大安西突
厥康居都慕義揮鞭去去橫門道五十頭顱猶未老

百山房詩集九

五

奉

命駐打箭爐籌辦徵調事宜

莽莽山樓接大荒桓桓士氣盡飛揚三邊鼓角鳴青海

九姓弓刀耀赤岡

時奉命檄各土司屯番赴藏協剿赤喇岡在裏塘

將選龍城

經百戰令嚴虎旅趣宵裝臣頗老矣空遺矢馬革酬

恩願未償

士毅自請出師未蒙俞允

烟蠻雨瘴掩朝曛草寨風村訪舊聞

白草風村二寨名國初曾梗化

納款先憑工土婦

土婦工喀係明正司蛇蜡吧之妻康熙五年首先投誠

賽祠爭

拜郭將軍

相傳武侯征孟獲命將郭達在沙哇地方設爐造箭故名打箭爐有祠焉

船逢三

渡難論價

自爐出口由上中二渡過裏塘至下渡水漲時俱用皮船索價甚昂

鼓易千牛

倘策勲

番民重諸葛銅鼓以牛千頭易之謂百戰百勝

莫向硯房悲白骨勝他

烏雀啄紛紛

番人親死或委山溝或用土覆於所居硯房之上藏地則碎骨銀鷹犬以為孝

喇嘛

難牙逞瓦當軍持

番地號數珠為逞瓦率以金剛子為珠名難牙逞瓦

堪布

喇嘛內管

朱巴共一師

釋道俱奉胡圖克圖為本師

玉斧畫疆成誕語

大渡河在

寶山空手笑癡兒

明正土司後山樹以竹柵云有金穴防番人攫取實未嘗有金

佈茹鬧比孟蘭會

爐地崇佛鑊鼓之聲塞耳土人稱鑊為佈茹

了髻權倖

市舶司

爐城女子年十五以上即受催于茶客名曰斜沙鴉凡茶客交易俱憑沙鴉定價人不敢較斜

日柳揚風力緊薄人多向竹關馳

爐城冬日朔風最厲柳楊舖冷竹關俱在

城東爐人呼番民為薄疑即楚字之訛

繩橋難敵索橋雄

二橋在雅安縣為赴爐必經之所

上八休啞下八窮

上八義下八義俱土百戶地並貧瘠

舊俗尚思沿鼠集

已到烏籠

南路土司風氣稍淳

丹砂湯暖饒爐北

爐城饒湯泉城北尤多

雪峰高阻額東

山名多積雪

佇聽托湫蠻語好

托湫蠻言剿賊得勝也

偏師早報過多工

地名屬西藏時元戎兵赴江孜

萬里橋是武侯送鄧芝使吳處

衰草何離離殘柳何蕭蕭離亭日暮暗無色云是當年

送別之長橋橋上行人橋下水一片狂濤呼不起峨眉

遠接秣陵秋萬里之行始於此送君萬里去萬里還歸

來三番奉使兩家合伯苗德艷皆英才吳蜀併力計良

百山房詩集九

得中原六州黷無色可惜當時乏將材典午三馬兒郎
并三國吾行此橋經幾時昔也采風今視師此去衛藏
更幾里前驅已卓和門旗雙流浩浩平於掌人馬安便
氣蕭爽丹達山高雪暗天江流東下吾西上

臨邛懷古

曠代才華自不羣鄒枚一輩任紛紜瀟瀟酒市秋深雨
落落琴臺日暮雲尚有遺書酬武帝何嫌佚事記文君
眼前邛笻斯榆路曾建西南萬里勳

文君井

酒舍今何在銀牀舊井深遠山窺黛影止水入琴心釵
墮盤龍怨絲牽玉虎沈無端感魚尾惆悵白頭吟

百山房詩集九

七

大渡

衆峰趨越巒遠勢連牂牁非惟限華夷直欲遮羲娥羲
娥不可遮冉驩爭投戈軍興下邛雅曉夜馳明馳天河
忽傾瀉百里聞驚渦繩橋駕宛虹浮艇剝靈鼉濡尾狐
遲疑沒脛蛩負馱一軍詎蟲沙兩甄爲鸛鵝亂流何戢
戢先濟爭番番此水出生羌遠自當州過隋戍無故壘
唐縣惟殘莎真人夾馬營玉斧畫此河王者示無外此
意無乃頗當年講武池豈異昆明波後來割地議作俑
竟如何

國家大威德九寓方休和甫嵐諾荐外拓地日以多狡
焉乃思逞譬則燈投蛾羈縻信良法天討理則那湯湯
大渡水滿耳聞鏡哥

萬工坡是明藍玉征雲南所開道

滇池非遙蜀道易誰剗青山作平地桓桓上將涼國公
鑿道南征此通騎將軍百戰蜚英聲號令不數常開平
大軍辰沅已直上別從間道通奇兵萬工鑿石山爲赭
一線度人兼度馬想見懸軍深入時真覺將軍自天下
軍鋒所向皆成功功臣自古難圖終如將軍者尤可惜
姓名長並胡惟庸將軍功業先平蜀古驛吾曾過綿竹
尚有當年舊戰場年年春草埋遺鏃

百山房詩集九

八

夜渡平羌江

蕭條絕壁片雲留玉遂梅花下隴頭今夜平羌江上過
依然山月半輪秋

七縱河

掃穴鋒原銳籌邊慮更深南人先破膽上將祇攻心壘
壁風雲合郵程雨雪深西師蕝功未攬轡爲沈吟

二十四盤

卽節符山

昨經卍水渡今循笮山麓笮山盤如龍一盤龍一曲馬
蹄響空磳人面落飛瀑嵐翠撲衣袂攬轡手可掬慣從

折坂過時與石壁觸峽雲開堂堂窈窕見深谷危巢起
驚禽峭崖奔駭鹿行行繞羊腸漸漸入牛角絕處忽有
路開朗豁心目徑路迷東西氣候異寒燠叩竹懸高崖
窈影蔽天綠時有兜羅雲飛向枝上宿

清谿道中遇風

朝自榮經行暮至清溪宿屯雲倒夕陽溪色湛然綠長
風從西來大聲振林木噴湧錢江潮奔騰石梁瀑又疑
百萬師軍聲應山谷頃刻變晝夜噓吸易寒燠人如鷁
退飛馬作蝟毛縮飈輪戛檣竿飛沙填矢箠噫氣蕩天
地餘勢尚發屋居人經習見日入輒匿伏竺國多風灾

百山房詩集九

九

西來此其族餘聲尚獵獵繁星出叢竹

聞巴圖魯侍衛由青海入藏

宿衛銀刀隊前鋒曳落河

廟堂宣撫易部落受降多契箭通青海飛書下白波羽
林諸壯士昨夜雪山過

禿髮留餘孽還勞虎旅屯水稜欺馬骨番鬼泣刀痕轉
戰烏斯藏連營土谷渾跳梁何自苦釜底尚游魂

檄諸土司屯番赴藏協勦

翦惡出天心諸番都効順蠢爾潢池兵何能合餘燼滅
之湯沃雪馘之鷹捕兔坐待京觀築俄頃軍鼓震土司

信忠誠無煩淬鋒刃同仇憤所切驅策亦豈吝蠻丁鐵
為衣蠻女花掠鬢烏烏蘆笙吹逢逢銅鼓震村落椎黃
牛感激何奮迅勉旃斬樓蘭行將諸部徇

得鄂大司馬軍營書却寄

徵調租庸媿不勝蠟九重疊下巴陵黑人竄竊誅應亟
黃教莊巖見未曾甥舅碑空牛礪角喇嘛寺古鬼吹燈
遙知沙度繩行處風雪懸崖匹馬登

飛越嶺大霧

昨過大相嶺嵐氣濕衣帶少選日沈濛霏霏散塵堪羊
腸雖仄眼界寬失喜舉頭望天外茲來飛越景更奇咫

百一山房詩集九

十

尺不見山屨屨太華或遭巨靈擘黃屋疑有愚公移千
峰萬峰盡霏霧人行霧中不知路九天撒下兜羅綿包
裹青山入烟去徒御岌岌藩觸羝高下何處緣鉤梯已
判此身落雲海忽教逆耳聞天雞東眄雲將西盼井絡
四顧蒼茫不辨巖壑馬蹄踏石如踏空白日青冥失虛
廓赤松子雲中君倘騎白鶴來相迎願攀六銖隨風行
否或道旁嬾殘有窟宅煨火分我山芋羹峰迴徑轉已
千折聞說前山更巖嶮飛廉長風掃不開萬疊頑雲更
釀雪

鐵索橋

渴虹飲深澗歎被電光掣蛇骨燒不死橫曳百丈鐵道
豈由人通險乃信天設河流界西南華夷此高鏑陽侯
鼓洪爐綫路鑄斗絕長綆挽五丁飛渡誰能截征馬不
敢前僕夫各嗚咽下有戰死魂波濤所吞噉聯臂走矜
孱撒手墮飄瞥饑蛟昂其首不足供饕餮我才媿王尊
叱馭此九折生乃猿猱愁死乃魚鼈悅

頭道水道中瀑布甚奇

兩崖夾立森屢屨古篆繡壁苔花肥何年鬼斧破石骨
白龍飛出鱗之而宛虹飲澗首下垂匹練下界青山陞
邊風忽起古潭黑馬頭倒捲秋濤飛明珠萬斛濺白雨
水花拂面寒生肌石梁龍湫昔未見黃華石門皆絕奇
豈圖邊方忽有此淙淙餘響鏗金絲奇觀本不域中外
乃知天地原無私簡書鄭重心迫促漸看暮色來崦嵫
銀河落天兵待洗搖鞭還誦李杜詩

楊柳鋪作塞外柳枝詞

瘴烟邊月總難堪馬上征人路未諳忽聽一聲楊柳鋪
一時回首望江南

銅琶鐵撥淚潛潛景晷風光度漢關解作兩行如意舞

白蘭諸部射生還

黃沙漠漠草蕭蕭殘柳枯椿久寂寥一自金城公主過

舞條多學內人腰

琉璃橋下水滌洄木鹿寺前燈市開十五蠻童十三女
柳陰飛騎奪標回

耳上蟬瑤額上黃東波裙褶鬱金香誰家一箭穿楊葉
知是賢王到獵場

東風料峭析春醒上將初開細柳營教唱夜烏啼一曲
邏娑城外又清明

河湟西入大荒流二月穹廬已作秋殘月曉風一聲笛
有人今夜坐碉樓

郎行直到賀蘭山妾如刀上雙銅鑲刀頭可折鑲不斷

百山房詩集九

十一

楊花滿天郎未還

武侯祠

未運推王佐如公未易量當年經戡定此地有祠堂勢
已三分建才因八陣彰纔能莫巴蜀旋見失荆襄白帝
孤親託黃初敵正強方圖宅華夏先遣靖邊疆蠹爾牂
牁守兼之越嵩王陰謀倚蛭駞小醜肆驅狼抱膝籌原
早攻心法最良五谿空豕突七縱敢鴟張瀘水波濤險
斯都道路長縣初通定笮江亦號平羌鋒已南征熄威
因北伐揚關山流馬走雷雨卧龍翔漸奏中興績方期
季漢昌大星宵隕石火并夜生涼樵採禁平麓春秋拜

沔陽餘恩周益部遺愛被蠻方忠孝悲綿竹謳歌比召
棠箭爐今仡仡銅鼓尚喤喤史氏搜文集遺民話武鄉
沈吟千尺柏荒落百株桑故里曾經訪新宮迴在望錦
官城外樹迴首更蒼蒼

銅鼓

江迴叩水接天流墮摘無聲鎮上遊自昔旌旗屯虎旅
至今桴鼓尚龍頭漢家饒吹歌朱鷺棘道儲胥走木牛
却笑長安魏明帝銅人鑄錯霸城秋

銅弩

羌水西流此挽戈渡瀘曾記負蘭過銅花喋血三城戍
鐵騎擒王七縱河箭室殘翎蠻鳥盡弩臺遺字卯金多
定戎靖塞威名在韋帶佞苴爾奈何

郭將軍廟

樓桑拜葆真天人九侯七傑誰敢瞋蠻夷君長盡稽首
膺圖受籙王洮岷獠亭一戰王氣息至今野火吹青燐
丞相誓師將北伐先渡瀘水如雲屯七擒七縱曲蓋下
久矣談笑無黃巾平蠻之功伯岐最史窳簡陋遺將軍
將軍造箭箭有神眼看蟣蟲成車輪藏江爲爐日爲炭
鼓鑄羣蠻爲編民射人射馬先射魄肉飛如雨骸如薪
餘威千載尚血食桐酒亦有雞與豚贊府低頭主簿拜

蠻姬跳舞吹青唇時平隴上見耕鏃鐵花繡出章武春
除夕送惠瑤圃制軍赴藏叅贊軍務

朝正節近印牀懸諸將高歌出塞篇祗爲

九重亟西顧出關不待敲春筵

戛鳩威虎舊彎弓

戛鳩江名威虎獨木船也指乙丑年同征緬甸事

絳節新移

大小東一卷龍韜曾共讀眼看談笑靖西戎

馮牙西指陣雲屯萬里烏斯枕玉門

西藏與青海接壤

不是江

風兼嶺雪那知篋裏

賜衣溫

劍外嚴章新記績軍中韓范舊知名岷江水接天河水

百山房詩集九

七

倒捲春濤洗甲兵

聞奎將軍林奉

命赴藏參贊軍務詩以迎之

黎阪遙傳叱馭聲征西宿將舊知名羌奴莫更誇螳臂

多少鯨鯢赤手平

舵樓醜酒祝風旗安穩鉞程萬里歸

君自臺灣內渡來蜀

幾次圖

形上麟閣

君圖形紫光閣

又從海外建生祠

前此臺灣奏凱奉詔建功臣生祠

君與焉

鼓角千山又萬山馬前鏡吹佇平蠻試燈風裏春如繡

同話銀花禁籛班

計程元夕君當至爐城

腰弓帕首憶滇陬

乙丑年同從征緬甸

金盞山川遡舊遊我有壯

心酬未得每因西望看吳鉤

屢請出師未蒙恩許

湯泉

不數華清水言從小拂廬洗兵猶有待暖老竟何如小
駐還塵土遠征爲簡書爐城一回首鳴珮響清渠

魚通出口遇雨宿折多

駕言始首塗風日頗修熈叢叢庶草繁密密烟樹互策
馬深林中略約橫野渡涌烟方西屯飛雨忽東注雷電
下深黑四山驚欲仆馬行不得前舉足盡沮洳慰農資
甘霖洗兵仗靈澍甘苦同士卒肯教張蓋護簡書况在
塗折坂頻叱馭止宿已二更行旌夜中駐明星出天漢
薄雲照壁絮挾纒拊難周木枕時警寤載詠東山詩更
問西天路

過破碉行亂石中

一路懸崖塞馬首滿川碎石欲西走昨宵雨大水没石
石縫時時露星斗馬蹏踏石誤踏星倒影忽散青天青
濁泥橫濺作飛雨遠處尚作波濤聲峰頭棲鷲忽驚起
行過破碉剩殘址殘星欲落天未明帶水拖泥三十里

自提茹至阿釀壩道中書所見

繩阡界東田罨陌盈西疇天心憫農劬溝水中分流

山左藥苗香山右林木茂如何尺寸間物性不相就
蓬葆如人長膏腴沒荒草何不勸春耕屯田此間好
長鞭鞭鐵驪瘦骨黯無色寄語牧馬人養馬惜馬力

過東俄洛已六月矣積雪彌望是日遇雷雨

西行日月不到此六月羊裘自今始上有萬古不消之
積雪下有萬里荷戈之壯士北風吹馬馬骨僵層冰裂
山山骨死雪中時見睢睢盱盱之蠻奴仰視頭鵝落飛
矢平時聽說戈壁哥不信以目信以耳近來絕域歎奇
絕變幻金銀作山市炎官火繖不敢撐下有元冥玉龍
子僕夫駮疥我亦愁馬上飛書欲墮指猓啼猿嘯怖畏
生雨驟風馳甲仗駛忽然路轉聞驚雷掣雷光中一峯
峙電紅雪皜兩迴盪照耀刀光白齒齒須臾雨過斜日
橫萬竈貔貅寒似水

僕人以道險難行私有怨詞口號示之

百丈懸竿井掛瓶底因足繭悵伶仃崎嶇歷盡康莊見
此理年來已慣經

道旁野燒沿及數里古松萬樹皆摧爲薪感賦
馬蹄高下劫灰重僵立深憐萬樹松禍始棘僮遺爨火
青人夜夜泣諸峯

途次盼軍營掇音

每遇鈴聲問凱歌呼庚消息阻關河

距軍營萬里
飛挽甚艱

平坡

水漫歸漕緩陰嶺雲重帶雨多焚穴定應擒虎豹截流
生怕走蛟鼉還聞裹革皆名將

時聞副都統台斐英阿
侍衛墨爾根等陣亡之

信背裂西風願枕戈

自東俄洛至卧龍石得詩八首

不斷淙淙碧玉流遙山如黛雨初收出關大有銷魂地
紅柳飛花撲馬頭

燕支春色隔斜曛高寺鐘聲日暮雲一轉一窮開一境
青山幅幅李將軍

五月披裘束急裝蠻鄉風景麥秋涼黃雲如海消殘雪

百山房詩集九

十一

笳鼓歸來餅餌香

瓦切

寨名

平岡路倭遲沿山樓閣壓碉危喜他康把

屋名苔

花滿不插雙竿嗎密旗

梯田耕罷去梯房疾比都盧鷲鳥翔不奈老夫筋力緩
也從初地上初枕

番人好樓居梯木上
下官府往來皆寓焉

婆娑雙眼老猶明到處青山送客行他日歸來忘不得

卧龍石上看雲生

負戴軍儲萬里馳衙官催點角頻吹

時催背夫二
千押送出口

馬前

卽是蟲沙路寄語長途好護持

火急軍符媿補苴千山飛輓更何如

王恩先與歸期早七字詩成涕淚餘

諭旨令士毅俟紅旗一過卽回爐

城

河口阻水

一雨竟連日河流漲幾灣風聲還擘岸水勢欲浮山萬馬驅難過扁舟渡亦艱羨他雙白鷺接翅復飛還

積雨連旬山水驟發自河口至麻蓋冲決幾不得路賦此紀事

飛泉灑灑石齒齒十日橈行泥没趾于巖萬壑風雨來九天倒捲銀河水蹄涔處處成龍湫馬牛漂蕩如浮鷗行人屏足水聲裏溼雲長羃青山頭山頭雲開雨初住

百山房詩集九

六

長風吹合復如注危磯激水水不流一決平原各爭路是時飛輓催軍糧儲胥百萬連馱綱軍行禦水若禦敵預占勝勢屯高岡和門羽書知孔棘積水深深消不得別開間道利轉輸萬夫鑿山各努力漸從山足通山腰雨勢不與山爭高我行已出雷電上俯聽絕澗馳奔濤出險安然

國威仗帶水拖泥非一狀寒氣侵肌恤役徒夜起撫巡慚挾纊

雅龍江浮橋

雅龍發源自青海奔流日夜東南行長江萬里此分派

蜀道橫截峨岷經峭寒一夜凍連底鍊篙無力皮船停
造舟為梁古有制誰使貫索驅羣鯨倒走銀山作平地
長虹水面橫庚庚其下蛟宮穴深黑頭角弭伏不敢爭
我從千騎東方來甲光照耀銀稜明四面見冰不見水
馬蹄蹴作冰稜聲黃河水橋吾未見祇此已足心魂驚
此江上下亘三渡上接銀漢窺天彭冷龍造冰等驅石
定知萬頃瓊田平大兵已過甲錯白親縛當戶揮元纓
梅花羌笛奏凱樂歸期應及春風生玉關楊柳江上碧
冰開依舊雲帆征

夏秋仍
以舟渡

駐裏塘

百一山房詩集九

九

山多平地少棧路無端倪不知巖壑高但覺星辰低羣
峰勢岌岌盛夏風淒淒回頭望鄉邑側耳聆鼓鞶烽火
煉冤鬼頑鐵消輪蹄此地去已蜀漸與崑崙齊南斗欲
轉北落日不在西裏塘忽平衍綠野容耕犁激激瀨水
清滑滑林禽啼移營近籬落午飯聞村雞征程得小駐
驚定神栖栖前軍方轉戰劍血膏鷓鴣

二郎灣道中度雪嶺數層

偏偏側側俯復仰蕭蕭琴琴悽悽以愴車箱一道到何處
對面不知有青嶂山中飛雪不飛雨雪下蠻江即春漲
山中生石不生樹石色攬天如卷浪有時青天影落谿

水底亂石磊砢宛然星辰倒嵌青天上我行直到飛鳥
背性命轉輕神轉王獨不見海西釜底有游魂髑髏如
山屹相向

松林口

其上橫巴山其下有海子中紆綫道通越萬千古行人
不到此惟有枯樹瘦於石槎枒僵立有似猱猱奇鬼磨
其齒春風之所不能生秋風之所不能死朝行不復見
鳥雀暮行不復見村市射生昨日都尉過絕壁分明著
枉矢十里至下溝水聲清冷激宮徵詰朝又達雪山行
烽燧紅燒玉虬尾

百一山房詩集九

三

大雪山

問汝雪山高但見馬蹄下踏星辰色問汝雪山白但見
沙上行人人影黑明朝欲踏層城冰隔夜寒光已相逼
翻疑鴻蒙世界本如此又疑火繖炎宮不奉職坡陀牢
落不知幾千仞人盡攀崖馬銜勒馬骨不如山骨高以
雪餵馬馬無力鐵衣裹綿如裹雪魂魄都為雪所蝕巖
寒中人渾似著我頭痛身熱國望中煙火是巴塘又向
山南轉山北

巴塘

野宿畏虎狼水宿畏蛟鼉移營負戴肩相摩忽然出險

得平曠清泉碧澗風氣和罨田一一雁排齒居民戢戢
蜂攢窠伊蘭花香瓣髮綠時見番婦旄牛馱肥鄉自與
狹鄉別夕陽隴上春犁多古人富教不相後要使民氣
無坎坳帶牛佩犢亦何意屯田充國今如何

百一山房詩集卷九

百一山房詩集九

三

人供... 上春... 古入... 富... 不... 且...
... 香... 綠... 朝... 且... 番... 教... 義... 此... 堪...
... 上... 鄭... 青... 果... 雲... 間... 風... 塵... 味... 佳... 田... 一... 一... 雁... 排... 齒... 居... 民... 戢... 戢...
... 百... 一... 山... 房... 詩... 集... 卷... 九...
... 三...



